

# 第 陸 期

中華郵政特准掛號認爲新聞紙類  
准廣東郵務管理局發給第伍百拾柒號執據

孔子降生二千四百七十六年乙丑二月二十日  
中華民國紀元一十有四年三月十五號出版

# 時 中 月 報

孔教研究會編刊

編輯人 趙嶧山  
發行人 伍汝舟

總發行所

中國廣東

百山縣城·台城公司

TOY CHEUNG CO.

Tai Shan City.

Canton, China.

# ◎第六期

△內容

- 一 論箸
- 二 經義
- 三 演說
- 四 傳記
- 五 通信
- 六 叢談
- 七 文苑
- 八 要聞
- 九 告白

## 投稿畧例

- 一 凡文字不背孔教正義有益社會實業文化者、或自撰、或翻譯、各種文體、均所歡迎、
- 二 凡毀謗名譽、詆訕時政之文稿、恕不登載、
- 三 投稿請繕寫清楚、附加圈點、一經揭載、酌以本月報酬贈、
- 四 本報對於投寄之文稿得有修正去取之權、揭載與否、恕不發還、
- 五 投稿請寄台山縣城青雲路孔教研究會或縣前街台城公司收、

## 論著門

### 孔子大同之學推行之有序

趙宗壇

或問於予曰。子言大同之學。歷引經典證明孔子之微言矣。然亦知孔子之學。行遠自邇。登高自卑。先有小康之階級。而後可進於大同歟。吾曰然。孔子大同之學。乃孔子教人以治術最終之目的。而非教人以起點之門徑也。吾試以孔教之見於經籍者言之。我中國國教。固以孔子所祖述堯舜之倫理道德爲標識者也。卽以倫理言之。其由小康而進於大同之階級。固隨舉一事而可以證明之矣。

孟子願學孔子。孟子之學術。卽孔子之學術也。五倫之理。始於家庭。推行於一國。終及於天下。卽今之論學術者。由一家主義。而推及於一國主義。由一國主義。而推及于世界主義者。是也。孟子之言曰。道在邇而求諸遠

。事在易而求諸難。人人親其親。長其長。而天下平。此謂談世界主義者。欲平天下。必先教天下之人。使人人有各愛其親。各敬其長之道德。以爲推行仁道之起點。夫然後愛親者乃不敢惡於人。敬親者乃不敢慢於人。既各盡其愛親敬長之道。又各以其愛親敬長之道以待他人。我以愛敬之道待天下之人。天下之人。亦皆以愛敬之道待我。互相愛敬。卽不至於如野蠻時代之人民。祇知有互相競爭。互相傾軋。互相殺戮。而天下人人。始有自由平等之希望矣。此小康時代之教化。卽爲漸進於大同之始基也。由人人親其親長其長。進一階級以言之。孟子又曰。老吾老。以及人之老。幼吾幼。以及人之幼。治天下可運諸掌上。此言推敬老慈幼之理以及於他人。天下之平。蓋無難事。此由此小康而漸進於大同之軌道。卽由家而國。由國而天下。漸進於世界主義之次序也。夫天下之人類。祇有老幼之兩途。老於我者吾待之以恭敬。幼於我者吾待之以慈愛。天下之人。果人人如

是。而天下猶有互相競爭。互相傾軋。互相殺戮者。吾不信也。天下未有不愛其親而能愛他人者。亦未有不敬其長而能敬他人者。今欲以討父仇孝。奸淫邪盜之徒。一見權利所在。尙互相競爭傾軋殺戮。于弋日相尋於無己。而猶囂囂然號於衆曰。吾之互相競爭傾軋殺戮。乃欲使天下之人類。互相恭敬。互相親愛。如一家之人。以求至於大同之極軌也。嗚呼。信如彼輩之所言。行若輩之政策。人人效尤。是將率天下不孝不慈。不仁不義之悍夫驕卒。爲權利而互相競爭傾軋殺戮。使世界上之人民。不至於死亡過半而不止。是皆不遵孔子大同之軌道。無親其親長其長之始基。無老吾老以及人之老幼吾幼以及人之幼之階級。是欲航大海而無舟。欲登危崖而無梯。率天下無知之人。盲從狂躍。未有不滅頂折脛。自喪其生命者也。夫孔子之教。乃至中至庸至平至易。人人所能知能行。不必索隱行怪。循其治術之軌道。自可以漸進於大同。能使天下之人民。從其道而生。必不

使天下之人民。從其道而死。若殺天下之人民以行其道者。乃死人之道。而非生人之道也。孔子生人之道奈何。其大同之軌道以漸進。初則人人親其親長其長。以定其大同治術之始基。次則由敬老慈幼。以推而及他人之老幼。以爲大同推行軌道之次序。終則吾推吾敬老慈幼之理以待他人。他人亦互相推其敬老慈幼之理。以愛敬天下之人。馴至於人人如是。則無人已之分。無種界之分。無國界之分。由親其親。而至於不獨親其親。由子其子而至於不獨子其子。此小康而漸進於大同之治理。卽四海兄弟之廣義也。禮運於小康之世。則曰以正君臣。以篤父子。以睦兄弟。以和夫婦。於大同之世。則曰大道之行。天下爲公。故人不獨親其親。不獨子其子。此孔子大同施行之序也。

或曰。中國孔子之教。其推行固貴有序矣。若歐美文明之國。學說日新。亦有不必拘於大同之軌道。而可以一蹴而至者乎。吾應之曰。子未信吾孔

子之教。本於孝弟。孝弟之至。通於神明。光於四海。是可循序而進。不可躐等而幾者也。吾嘗讀美國學校教兒童之書曰。至細微之雨點。由山下流而成行潦。由行潦而成谿澗。由谿澗而成江河。由江河而成大海。至細微之愛理。始於愛吾父與母。次愛吾兄弟與姊妹。次愛吾地球上諸同胞。造成一世界極樂園。玩其詞意。卽推恩四海。沛然德教溢乎四海之義旨也。西人尙博愛主義。而河海之成。起源於雨點。極樂世界。作始於愛親。世界極樂園。卽世界大同之現象也。其親親長長。老老幼幼之階級。與孔教大同之次序。若合符節。若以躁妄無序之學術。欲求世界之大同。吾知其欲求治而適以釀亂。欲求生而適以取死。不獨爲孔子之所棄。亦歐美文明國人之所擯矣。

## 大同世的代價

梁漢藩

西諺有言。天謂衆生日。一切物皆以界汝。但汝須出其價錢。至哉言乎

。今夫入閭闔之中。物品雜陳。其種類以億萬計。悅吾人之目。快吾人之心。動吾人之念者。幾於比比皆然。然而吾人不能遽携之以行者何哉。以尙未酬還其價值故也。推此義也以往。市肆然。國家然。物質然。精神然。經濟然。政治然。卽宗教教育。亦無不然。吾今將從此義以論究天下古今之最大寶物。及其購得此寶物之最貴價值矣。

夫積身而後成家。積家而後成國。積國而後成天下。故物品之最大者。無過於「天下」。世界之進化。始衰亂。中昇平。終太平。故最大物品之最寶貴者。無過於「天下之太平」。此古今中外人類之所以枯腦涸髓。胼手胝足。舌敝唇焦。力竭聲嘶。憂思愁慮。奔走呼號。而其唯一之目的。則在於「天下太平」也。然而數千年來。吾人迄未一遇之者。則又何耶。豈「天下太平」之爲物。終爲烏託邦子虛國。僅爲吾人存想中之所有耶。得毋亦因「天下太平」之爲物。願爲古今中外最大最貴的寶貝。因吾人無相當之價值



以酬還。故天斬而不與耶。如其然也。吾世界人類從今而後。當從事於集股之生涯矣。股本足。則資力厚。資力厚。然後此「天下太平」的「最大最貴之寶貝」。庶有出資購買之可能。

集股之方法如何。依我古聖哲人所預訂留遺之章程以進行而已矣。其章程奈何。即聖經賢傳之所紀載者是也。孔子曰。「物格而後知至。知至而後意誠。意誠而後心正。心正而後身修。身修而後家齊。家齊而後國治。國治而後天下平。」孟子曰。「人人親其親。長其長。而天下平。」今以二聖之言譬之。人人能格致誠正。人人能親親長長。則所謂人人肯附股出資也。因此而「天下治平」者。則所謂購獲「最大多數所享受之最大寶貝」也。孔子又不僅訂定章程。示吾人以集資購寶貝之方法已也。又常常舉此最大寶貝之貨品式樣以示人。冀吾人一見而悅目快心。早日實行購致也。其言曰。「大道之行也。天下爲公。選賢與能。講信修睦。故人不獨親其親。不獨

子其子。使老有所終。壯有所用。幼有所長。矜寡孤獨廢疾者。皆有所養。男有分。女有歸。貨惡其棄於地也。不必藏於己。力惡其不出於身也。不必爲己。是故。謀閉而不興。盜竊亂賊而不作。故外戶而不閉。是謂大同。」如是者。所謂「最大寶貝之式樣」也。吾人如欲購致之。當以酬還其價錢爲第一要義。乃今世妄人。不知自諒。不費一錢。不拔一毛。竟欲無條件而攫取此最大寶貝於天帝之手。攫奪之而不得。又從而盜竊之。幾何而不遭譴責耶。此求治而適所以致亂也。此其故。皆由於欲得物而不肯出價錢故耳。此孔子所以又於春秋經爲萬世人類商定其相當之價錢也。相當之價錢奈何。卽所謂人人能格致誠正。人人能親親長長。換言之。卽人人能絕對自治。人人皆有士君子之行是也。不然者。則春秋必從而貶絕之。春秋之昭定哀。乃孔子之所見世。且爲著治太平之大同世法所寄託者也。故公羊傳於昭公元年。大同世法開宗明義之章。卽嚴格的訂定吾人出資之範圍。

。其言曰。『春秋。不待貶絕而罪惡見者。不貶絕以見罪惡也。貶絕。然後罪惡見者。貶絕以見罪惡也。由此言例之。夫所謂不待貶絕而自見之罪惡。是形於外之罪惡也。吾人雖能強制於外而不行。亦僅得相對的自治。春秋猶以此等自治爲粗疏的寬格的。其所酬還於天帝之價值尙小。必也連待貶絕而後見之罪惡。所謂不形於外之罪惡者。亦從而除去之。然後能爲精密的。嚴格的之絕對的自治。如此。其所酬還於天帝之價值乃大也。誠如是也。又何患『天下太平的最大寶貝』尙不爲我購得耶。西諺謂天語衆生曰。『一切物皆以畀汝。但汝須出其價錢』者。卽此意也。今人崇尙歐化。不可謂不重矣。沉醉西籍。不可謂不深矣。何獨於最粗淺之俚諺而忘之。由是以觀。故吾謂吾人不欲『天下太平。世界大同』則已。如其欲之。舍人人格致誠正。人人親親長長。人人絕對自治。人人有士君子之行。殆將無從入手也。不然。徒以攫取爲事。攘奪爲能。恐從今以往。其遭天帝之

謹責。仍未有考也。吾國之談國事作政論者。其亦當知所從事乎。慎毋再蹈前此之覆轍則幸矣。

## 京師及各府州縣崇祀孔子文廟應改爲孔子教 堂議

閔子騫曰。仍舊貫。如之何。何必改作。此言不必更改者之無容更改也。易曰。窮則變。變則通。通則久。此言當變改者之不可不變改也。合觀之。而中道昭焉矣。而時中之道。亦可想見矣。孔子以時中之聖。爲中華國教之祖。師表人倫。楷模後進。功德之大。實莫與京。其可尊可親爲何如。我國自京師以及各府州縣。皆立文廟以崇祀孔子。事誠善矣。但舊制太嚴。必入學俊秀之士。方可入祀。餘外不得與焉。吁。是偏而不中。是使可尊可親者。徒尊而不親。揆諸孔子一視同仁。宏施教育之深心。固如是乎。我台山大士。有見及此。特於甲子之秋。設立孔教研究會。會長趙輝

山先生。演講孔教。即在孔子文廟爲肇始。爾時到文廟觀聽者。人山人海。皆感動焉。趙先生說教精詳。且以立教之人之廟庭爲闡明立教之人之教之場所。觀聽彌切。故感動彌深也。况當此世教陵夷。人心陷溺之會。所藉以挽頽風。矯末俗者。正賴孔子大中之教爲定衡。彼歐美各國。皆有宗教之教堂。以講其所宗之教。如耶穌教堂。天主教堂等是也。豈我可尊可親之孔子。爲我偉大中國之教主。顧不可立其教堂。以表揚中國之國粹乎。夫孔子之教。雖隨在可以宣傳。要不若文廟之地爲尤善也。今請自京師以及各府州縣。皆改孔子文廟。爲孔子教堂。當演教之時。仰孔子之遺容。談孔子之善教。恍若憶聞優見。言者聽者。愈親切而有味矣。且也位無虛設。道有攸傳。講道德於斯。說仁義於斯。闡倫理明綱常於斯。或從容開導。或大聲疾呼。振聵發聵。使天下男女人人得時聆孔子之教。即醉心歐化。誤解平等自由。喪倫滅紀者。亦悟迷途而歸覺岸。即孔子之道。學無常

師。天子失官。學在四夷。智識互有交換。國粹罔至銷磨。是改文廟爲教堂。卽以教堂宏教化。吾知孔子之教。光同日月。孔子之道。壽並山河。經正而庶民興。庶民興而邪慝無。孔子在天之靈。實式憑而鑒臨之。則孔子之文廟。非徒有尊孔子之形式。乃有尊孔子之精神也。豈不懿哉謹議

中華民國十四年夏曆乙丑歲二月

台山塵禾里李翊辰謹上

按李翊辰先生爲文壇名宿。服膺孔教。現當學校教習。觀此議。知先生衛道之誠。學識如此。可以爲人師矣。編輯者謹注



## 經義門

### 孔教之要義

爲人君止於仁

爲人臣止於敬

爲人父止於慈

爲人子止於孝

與國人交止於信

右爲大學引詩。解釋止於至善曰。詩云、穆穆文王。於緝熙敬止。此孔子贊文王有光明之德。於仁敬慈孝信五者。常常繼續而無間。敬慎將事。止於此而不遷之謂也。君臣二字。爲上下之名詞。居上位則爲君。居下位則爲臣。吾上數期月報中已屢言之。文王在周。對人民則爲君。文王在商。對商紂則爲臣。則文王以一身兼君臣之職。猶今日民國之省長。對省內人民則爲君。對中央總統則爲臣。是省長亦以一身兼君臣之職。君臣二字。可釋然無疑。不必以君臣二字。爲民國忌諱矣。人君有治國愛民之責。其止也

宜於人。人臣有奉公守職之責。其止也宜於敬。君仁臣敬。君臣各有當盡之責。無不平之事也。子當孝養其父母。故宜以孝爲止。父當慈愛其子女。故慈宜以爲止。父慈子孝。父子各有當盡之責。亦無不平之事也。交字乃兼人已兩方面而言。信亦兼人已兩方面而言。國人與我交以信。我與國人交亦以信。止於信者。以信爲至善之地也。文王爲周代之聖人。猶常以仁敬慈孝信五者。兢兢自勉。施行於君臣父子國人交接之間。謹守其理。不敢見異而思遷。况吾輩後學。可不知此仁敬慈孝信。爲吾道之至善。擇其至善者而止之哉。

## 忠說

張仲魯

北坑  
校長  
觀成學校

中國歷史。皆帝皇家譜也。其所紀載。非一人之事。即一家之事。非一家之事。即一姓之事。至于民事國事。則擇焉不精。語焉不詳。凡人民之能奔走疏附禦侮于其一人一家一姓者。謂之忠。其奔走疏附禦侮。非爲其一



人一家一姓者。謂之不忠。遂致積習成慣。忠不忠者。皆以是爲標準焉。嗚呼。豈盡忠之義耶。竭其股肱之力。繼之以忠貞。荀息之忠于齊奚也。鞠躬盡瘁。死而後已。諸葛孔明之忠于劉禪也。讀聖賢書。所學何事。而今而後。吾知勉乎。文天祥之忠于宋帝昺也。殺十族奈我何。方孝孺之忠于明惠帝也。以是之忠。忠于一人。忠于一家。忠于一姓。未足盡忠之義也。所謂盡忠之義者何也。左氏傳曰。忠于民也。又曰。上思利民。忠也。所謂利民者。卽孔子所謂因民之所利而利之是也。夫何者。爲民之所利。學校者。民之所利也。工藝者。民之所利也。農桑者。民之所利也。興學校以教化之。興工藝以練習之。興農桑以養育之。斯所謂因其利而利之也。昔衛文公敬教勸學。務材訓農。通商惠工。所以中興也。蓋國以民爲本。忠于民。卽忠于國也。忠于國。與忠于一人一家一姓。其義之孰廣孰狹。不辨自明矣。詩曰。或盡瘁事國。此言忠于國也。彼荀息孔明文天祥方孝孺。能推其

忠于一人一家一姓之心。以爲民爲國。未嘗不可。所惜者僅忠于一人一家一姓耳。然苟息孔明文天祥方孝孺。蓋亦泥于中國歷史之習慣耳。亦限于中國帝皇家譜之例耳。泥于習慣。故不敢不忠于其一人一家一姓。限于帝皇家譜。故不能大振其忠民忠國之策。嗚呼。豈苟息孔明文天祥方孝孺所願哉。雖然。亦曾子所云爲人謀而忠之謂也。孔子所云與人忠之謂也。世之小人。似忠而非忠。當未得志之時。則謙恭下士。及一旦權操于已。帶劍履殿可也。自加九錫可也。僭稱帝皇可也。此卽王莽之所爲。如是而可爲忠乎。卽不然。而赧顏事讐。易一君則彈冠相慶。更一姓則拜表獻進。此卽馮道之所爲。如是而可爲忠乎。夫王莽馮道之與苟息孔明文天祥方孝孺。天淵之隔。人鬼之分也。王莽馮道欲其忠于一人一家一姓猶不可。况敢望其能忠于民與國乎。王莽馮道非不知中國歷史之習慣。非不知帝皇家譜之例。其利令志昏故不忠焉。後之如王莽馮道者。皆利令志昏爲之也。今

日黨于甲。明日黨于乙。翻雲覆雨。黨者主之。出者奴之。黨者助之。出者攻之。甚者同黨而自相攻擊。一人之身化爲前後幾人之身。嗚呼。曾王莽馮道之不若也。尙可以言忠乎。宜此輩不知忠字之義。而日以忠字爲其罵人之口實也。

### 讀論語(五續)

日本早稻田大學  
學法律科學士 陳紹仁 伯嚴

顏淵喟然歎曰。仰之彌高。鑽之彌堅。瞻之在前。忽焉在後。夫子循循然。善誘人。博我以文。約我以禮。欲罷不能。既竭吾才。如有所立卓爾。雖欲從之。末由也已。

孔子之傳授其門弟子也。僅在于循循然善誘人之一句而已。縱如何實踐其教訓。究不能得其全豹。可斷言也。

梭氏之可多者。不在其實踐之手段。而在其實踐之精神。彼所留之遺物雖少。然其探索真理之精神。則後世浴其惠者。實無限也。彼對於現在之信

仰主義慣例習俗。殆無一不以研究的精神出之。彼之破壞的習神。古今殆罕其儔。此彼所以終羅危禍而不辭也。

孔子則無梭氏之革命的思想。而特富于歷史的精神者也。彼祖述堯舜。憲章文武。行夏之時。乘殷之輅。服周之冕。樂則韶舞。又溫故而知新。實澈頭澈尾。富于調停的精神也。謂之爲溫和的之保守黨可。謂之爲溫和的之進步黨亦無不可。無論在如何之時候。決不爲太過之事。所謂中庸。所謂大德。即表示其度量涵容之廣濶。彼或無梭氏之奇闢。或無梭氏之勇猛。或無梭氏之膽力。但穩健而謙恭。忠實而圓活。其爲哲學家。或于梭氏有遜。若爲人事上之教師。則可謂完全無缺。自古及今。未有能及之者也。孔子云。敬鬼神而遠之。梭氏則時時有宣托神明之感。惟彼無路德拋棄書籍。追逐室內惡魔之狂態。就來世亦罕語焉。當彼傾飲毒杯之時。則有靈魂不滅之說。或者柏拉圖之附會乎。故二哲研究學問之範圍。不出現在。不

開特別之法門。又不立組織的哲學之系統。一則于思想上與非常之刺激。一則于實行上留圓滿之模型。梭氏則有離隔的心意。彼常步街頭。佇立市中。疲唇爛舌而不辭。但其知識的。道德的。探索之眼光。似于何物。亦不映也。彼在美術之故鄉。而不解美術。在政治之舞臺。而不注意政治。非其明證耶。彼對于知識上。道德上。同系之人。其素行及其品格如何。非所問也。此彼門牆中所以多輕佻放逸之生徒也。孔子則有融合的心意。如感觸于一切之人事。即與一切之社會相聯絡。彼束身自愛。危邦不入。亂邦不居。邦有道則仕。邦無道則卷而懷之。其行藏出處。一循乎正軌。彼實一溫溫之君子也。吾人固無辯論此二哲優劣之必要。惟孔子中庸之點。其爲人生之教師。可謂千古之一人。已如上述。吾人感懷此偉人。而歎美其賢德的教師之品質。不禁聯想左之一節。子曰。孟之反不伐。奔而殿。將入門。策其馬。曰。非敢後也。馬不進也。

讀上之一節。是何等美性情乎。是何等高氣品乎。真可謂古今無匹之模範的士大夫矣。此非孟之反之謂。是孔子之自道也。吾人求之東西古今。如羅馬皇帝馬爾加斯。阿留斯。或者其庶幾乎。



## 演說

### 孔聖誕日演說詞

前台山縣知事 覃壽坤 孝方  
事湖北進士

今日爲先師孔聖誕日。鄙人因事忙。未暇與諸生行恭祝禮。歉甚。孔子爲我中國人人所尊敬者。所景仰者。但孔子距我生二千數百年。吾人未嘗聆其一言。觀其一行。何由而生尊敬景仰之心。且徒云尊敬之。景仰之。亦套話矣。必也。于孔子爲何如人。孔學與現世之關係。吾人當如何師法孔子。一一明辨。庶乎可云尊敬孔子。景仰孔子矣。

鄙人于孔學。素鮮研究。姑就意見所及。爲諸生言之。

孔子爲何如人。此問題最難解決。孔子爲大宗教育家。固人人所知矣。或以孔子爲哲學家。爲政治家。斯固似矣。然亦有難言者。孔子之哲理。本博

大精微。○惜後人不善繼述。○往往有孔子已引其端。○而後人莫竟其緒者。○以至孔子哲理學說。○多殘缺不完。○若夫孔子之政治學說。○見于兩論獨多。○然理論雖精。○手實行方法。○絕不一見。○夫理論與實行。○每時有抵觸之處。○如論語所謂「子欲善而民善矣。」○又曰「苟子之不欲。○雖賞之不竊。」○其理論誠確當不移。○而實行之。○每不見効。○此無他。○後人缺實行之方法耳。

諸生試就孔子遺書。○一研究之。○當知鄙人之言不謬。○夫孔子哲理學說多殘缺。○以後人不善繼述故。○孔子之政治學說不完備。○以當時欠實行故。○以故孔子之爲哲理家。○爲政治家。○就今日而論。○實未易謬爲斷定也。

雖然。○孔子之哲理。○之政治。○多以仁字爲歸。○孔子哲理學說之論仁。○與各宗教家不同。○宗教家之論仁。○物我平等。○一視同仁。○孔子之論仁。○以一己爲單位。○所謂己欲立而立人。○己欲達而達人。○必求一己不悖仁字之道理。○而後推而及之他人。○仁字之分寸如此。○若夫博施濟衆。○則以爲堯舜猶病矣。



。其政治學說之論仁益多矣。當時生民塗炭。王室傾危。孔子救世憂民之心。見于詞色。如曰、善人爲邦百年。亦可以勝殘去殺矣。又曰、如有王者。必世而後仁。政治之途多矣。必以仁爲歸者。因時之言也。

夫仁者仁愛也。方今之世。生存競爭。優勝劣敗。以仁爲歸。其不至于種滅國亡不止。是孔子之學。似與時不相應矣。雖然猶有辨。有直接之仁焉。親親仁人。仁人愛物是也。有間接之仁焉。捍衛同胞。是也。夫殺人。至不仁也。然除暴所以安良。兵。凶器也。然一日不可不備。所謂以至不仁之事。行其至仁之實者也。不甯惟是。欲保衛同胞。須捍禦外族。此仁之事也。然欲捍禦外族。又必先聯合同胞。此亦仁之事也。是故。競爭之世。始足以見仁之全功。否則得仁之半義矣。安見孔子之學說。與現世不相應耶。

吾今竊歎中國人爲至不仁之人。中國爲至不仁之國。何也。吾中國仁心滅

絕久矣。以對待外族之方法。施之同胞。以對待同胞之方法。施之外族。何其乖謬若是耶。吾今不暇遠引。鄙人近以新寧新會爭築鐵路之故。躬詣新會。彼新會之紳士。昌言曰。有外人來縣築路者。及鈎引外人來縣築路者。執而磔之。嗚呼。以此等方法。對待外族。擄奪路權者。猶虞鹵莽而債事。以施之同省同府之昆弟。未審其是何居心也。吾更不言新會。而言新寧。宗族兄弟。天倫之親也。鄉黨鄰里。守望之助也。而藉端啟衅者有之。互相傾陷者有之。甚或擄成暗殺。傾群械鬥者。又有之。甚或勾引外族。私嚙同胞者。又有之。其餘如大姓之虐視小姓。強房之欺凌弱房。鬼蜮萬端。尤絕無人理。此種陋習。士紳且不免。何論齊民。讀書明理者且不免。何論編氓。流風餘烈。尤爲全省全國之冠矣。不亦異乎。謂爲至不仁之國。信矣。

嗟乎。試審觀我中國今日之現象。而不萌惻忍之心者。非人也。中國今日

之現象如何乎。譬諸一旦暮傾危之屋宇。吾輩栖息其下。外則風雨侵凌。內則人心散渙。一旦傾覆。或全群受厄。即幸生存。而已無所歸矣。

吾非爲此危言。以聳諸生之聽也。實則吾中國隨事隨地。皆有滅種亡國之徵。諸生困守一隅。見聞或隘。鄙人與社會交際有年。試舉一二瑣事。以爲吾言之證。

鄙人日前緣事往澳門一行。所乘者我中國兵輪也。抵澳不得入口。且須受葡人稽覈。凡船名。駕駛人名。人數。日期。一一填報。而英法諸兵輪則否。我國官吏從不敢遇之爭。而順受之。夫同爲自立國。則應享受同等之權利。我中國則不然。則我中國交際上。不獨喪失無數權利。而國體亦無存矣。根據法理言之。斯不得爲自立國矣。如是。家國雖存。其實已亡。鄙人日前數臨香港。英之屬地也。覈其間英人之數。不逾數千。而我國人。不下數十萬。以數十萬之衆。受治于數千人之下。斯已奇矣。猶復酣歌宴

樂。醉生夢死。不問寄居之地爲何地。主治之人爲何人。尤奇者。鄙人詣馬戲之場。司門禁者。其一爲印人。其一爲華人。夫印人。亡國之奴也。以黃帝華胄。下齊亡國之奴。彼之視我爲何如人耶。我之自視爲何如人耶。莊子云。哀莫大于心死。而身死次之。彼其人不知愧奮。不知恥辱。其心信死矣。人心如此。則人種可危矣。

以上就國外言之。我中國信有亡國滅種之憂矣。吾更就內政言之。內政之主體。上爲政府。下爲社會。今政府預備立憲。推行新政。駸駸乎比美東洋矣。而其間辦事能否實心。奉行能否實力。當亦人所共知。無煩鄙人贅言也。至于我國社會。其內容益不堪言矣。地方自治。以人民爲自治機關。人民之代表。則有士紳。而今之士紳則何如。以自私自利爲目的。以地方公事爲壟斷。爭利權。鬧意見。分門戶。別黨派。一二賢且哲者。潔身遠引。以不談時事爲戒。以不知黜陟爲高。則地方之事。安所賴耶。鄙人

自來新寧。以公理公義曉諭士紳。絕無成見于其間也。而一般士紳。互存意見。若深相水火者。真爲鄙人所不及料矣。吾嘗見一般中上流社會。一卽士紳之類。利祿之心重。其家國之觀念輕。語以國亡種滅之理由。多所不解。有所蔽也。而一般工商庶衆。尙能激昂意氣。國恥凜然。噫。士紳之程度。果遠出工商庶衆之下耶。夫士紳爲庶民之代表也。士紳如此。種滅國亡何待焉。

吾故以中國今日之現象。譬之一日暮傾危之屋宇。非過言也。雖然。吾人將坐以待亡耶。抑將通力合作。謀一新棟宇耶。不待智者而後決也。然前此腐敗之原因。卽今日更新之張本。往者之弊。國人無仁心也。使國人有仁心。則將愛護同胞。聯合自力。中國雖大。舊染雖深。不足慮也。惟其無仁心。然後地方之公事。國家之前途。生民之疾苦。一若與一己不相涉。而國事不可爲矣。嗟呼孔子之仁學。漸滅久矣。中國之生機。窒息亦

久矣。欲中國之生機暢發。非孔子之仁學昌明不可。

鄙人今日與諸生論尊敬孔子。景仰孔子。不得不討論孔子之學術。因討論孔子之學術。不得不考求中國各種社會之情狀。蓋各種社會之情狀既明。而後孔子之學術可貴。孔子之學術可貴。而後尊敬之心景仰之情始篤。諸生乎。欲尊孔。先求仁。其庶幾乎。其庶幾乎。

(完)



## 傳記

### 子思畧傳

述聖子思子。名伋。幼侍孔子。孔子喟然而嘆。子思再拜請曰。意子孫不修。將忝祖乎。羨堯舜之道。恨不及乎。孔子曰。爾孺子安知吾志。對曰。伋亟聞夫子之教。其父析薪。其子弗克負荷。是謂不肖。伋每思之。所以大恐而不解也。孔子欣然笑曰。然乎。吾無憂矣。世不廢業。其克昌乎。○（伯魚死後、而子思乃生、若作伯魚五十卒、則伋至孔子卒時、僅五歲、何能有所問答、應作伯魚三十卒乃是、時子思二十五歲也。）已而受業於曾子。於道統之傳。獨得其宗。作中庸一書。不肯毀道以求容。嘗往來魯宋齊衛之間。而所如卒不合。其在魯也。告穆公以惠百姓。除非法。毀

不居之室以賜窮民。奪嬖寵之祿以振困匱。慕周公伯禽之治。行其政化。開公家之惠。杜私門之利。公甚尊禮之。亟見子思。欲以爲相。子思不願。去魯居衛。嘗謂衛君曰。君出言。自以爲是。而卿大夫不敢矯其非。卿大夫出言。而士庶人亦莫敢矯其非。詩云。具曰予聖。誰知烏之雌雄。其似衛之君臣乎。旋去衛遊齊。齊王語子思以圖帝。子思曰不可。君不能去貪利之心。王悅其言而不改。子思反於衛。衛終不能用。乃反魯教授。其徒數百人。而道卒傳於孟子。(事說詳於檀弓及孔叢子二編)宋崇甯元年。追封沂水侯。大觀二年。封沂國公。升配享。元封述聖公。明嘉靖九年。去公爵。稱述聖子思子。(史記作子思年六十二卒爲魯繆公之師其壽當不止六十二毛西河據孔繼汾闕里文獻考作八十二卒爲是)

## 孟子畧傳

亞聖孟子。名軻。字子車。(一作子輿一作子居)鄒人。(一作騶卽邾國)魯公



族孟孫之後也。父激。（見崇聖祠傳）周烈王四年（即魯共公奮之五年）己酉四月二日寅時。（即今之二月二日也）孟子生。（自孔子周敬王四十一年壬戌卒至孟子生已一百零八年矣）三歲父卒。母仇氏（仇音掌）育之。有三遷及斷機勸學事。稍長。受業於子思之門人。道既通。（趙岐謂孟子通五經尤長於詩書尹焞謂孟尤精於易其踐履處皆易理也）年三十七。顯王三十三年乙酉。應魏聘。時魏徙大梁。改國曰梁。見惠王不用所言。以爲迂遠而關於事情。明年三十九歲丁亥。襄王立。遂去梁適齊。年四十七。顯王四十三年乙未。爲齊上卿。宣王不能用。明年四十八歲。去齊之梁。留七年。五十四歲。襄王薨。慎靚土二年壬寅。復去梁適齊。時年五十四。慎靚王三年癸卯。迎母就養。子仲子偕來。是歲宋君偃自立爲王。有萬章問小國語。慎靚王四年甲辰。孟母卒。自齊反葬於魯。六年丙午終母喪。自鄒至齊。宣王以爲客卿。是年齊人伐燕。有答沈同語。赧王元年丁未。五十九歲。宣王十九

年。齊取燕。燕人畔。宣王薨。湣王立。遂致爲臣而歸。二年戊申。六十年。魯欲用樂正子。自鄒至魯。欲見平公。不果。遂之宋。又之薛。四年庚戌。張儀說六國事秦。有景春問答語。六年滕文公立。自鄒至滕。有文公問爲國。及畢戰問井地事。爲許行等所撓而歸。時年六十餘矣。當是之時。秦用商鞅。楚魏用吳起。齊用孫子田忌。天下方務於合從連衡。以攻伐爲賢。而處士則楊朱墨翟之言盈天下。孟子乃述唐虞三代之德。推明孔子之道。以正人心息邪說爲己任。是以所如不合。退而與萬章之徒序詩書。述仲尼之意。作孟子七篇。此二十餘年。大抵里居日多。緞王二十六年壬申正月十五日。即今之十一月十五日午時卒。年八十四歲。卒之日爲冬至。鄒人廢賀冬之禮。遂以成俗。秦禁詩書。以孟子之書爲諸子。得以不禁。漢文帝求其遺書。置博士以傳。旋又罷。至宋景祐四年。兗州刺史孔道輔。從祀孟廟。訪求墓地。得於鄒縣四基山。就山立廟。元豐六年。追封鄒國

公。詔鄒縣立孟子廟。元祐三年。封孟子父邾國公。母爲宣獻夫人。以孟子配享孔廟。元至順元年。改爲亞聖。明洪武元年。立孟氏學。免大宗子孫徭役。正統三年。以孟父配享啓聖王。景泰三年。以孟裔襲五經博士。嘉靖九年。去公爵。稱亞聖孟子。（孟子生之已酉至宣統己酉閱三十八次已酉共二千二百八十年也孟子生至周亡共一百二十四年）清朝加孟母封號爲端範宣獻夫人。於曲阜鄒縣。立孟子專祠。康熙二十六年。御製贊刻學宮。乾隆二十一年。去宋政和所加賢儒封爵。改稱樂正克、公孫丑、萬章、公都子、四人爲先賢某子。陳臻、浩生不害、孟仲子、充虞、屋廬連、徐辟、陳代、彭更、咸邱蒙、高子、桃應、盆成括、子叔、韓愈、孔道輔、十五人爲先儒某氏。孔道輔爲至聖四十五世孫。舉進士。爲兗州刺史。以訪得孟墓地從祀。

## 徵文啟事

- (1) 題目 京師以及各府州縣崇祀孔子文廟擬改爲孔子教堂議。
- (2) 期限 自登報日起。至本年孔聖誕日止。均可隨時寄來。
- (3) 郵寄 台山縣城內青雲路孔教研究會趙會長收。
- (4) 賞格 第壹名賞銀拾元。  
第二名賞銀五元。  
第三名賞銀四元。  
第四名五名賞銀二元。以上均另送閱本報全年。  
第六名至第十名。均送閱本報全年。  
第十名以下。經採錄登報者。均酌送本報酬勞。
- (5) 投稿畧例 凡投稿須自謄正。並將投稿人姓名郵址記入。以便送付賞格。取錄與否。原卷均不發還。

## 通訊門

嶧山會長先生鈞鑒。敬稟者。憶珠江侍坐。彈指連年。南望台雲。倍深孺慕。茲值夏歷回寅之候。正春風入座之時。敬維

起居。定多景福。去冬迭奉讀蒙

賜時中月報兩冊。喜悉設會研究

孔教。已由坐言而起行。宏願熱心。欽佩無量。方今群言淆亂。人慾橫流

。借僞自由以喪四維。倡新文化以蔑五教。斯誠

聖教晦盲否塞之秋。正人君子疾首痛心之日也。

先生以南中名宿。作吾道干城。明大義而闡微言。張大同以符政制。且提倡鼓舞。備極賢勞。役役長途。並不需一車兩馬。循循善誘。每不惜一席萬言。

宣聖有靈。亦當含笑。鐸遠隔宮牆。行能無似。然有所不足。不敢不勉。除率家族男女全體二十名一致入會以伸嚮往外。并擬屆令秋謁

聖之日。稍有餘閒。誓必再赴泮宮。一觀廟堂禮器也。肅此奉達。順請道安。

余文鐸鞠躬

按余君文鐸。字覺之。以前清諸生游學東洋。已法政專科畢業矣。余君仍以振興實業爲己任。變服入東京王子紙廠。雜傭人中。學機器製紙工業。學成回國。在江門設立製紙公司。挽回洋紙利權漏卮。旋被舉爲廣東省會議員。余君學貫東西。苦志力行。藝求歐化。學重國粹。觀此函可以知其志矣。宗壇謹注

嶧山先生有道。曩者東河末座。葑菲兼及於向隅。今聞西海歸轅。輶軒廣羅於方外。空言可載。存發聳起聵之音。扶正作閑。本澄清驅除之願。由來君子。道在救民。自古達人。志圖撥亂。乾坤不息。晦盲終有日月之明。

江海常流。砥柱可障狂瀾之溢。昔祖龍一炬。茂陵揚其輝。戎馬八朝。河汾起其墜。藩封跋扈。山斗猶尊。河北腥羶。洛瀛繼起。是知深思好學。端存剝復之交。守缺闡微。自開昌明之運。晚明氣節。震爍古今。講學餘風。淪浹肝髓。清初諸老。謝絕生徒。雖無門戶。寔潰防閑。說者謂二百年來。清議不立。風俗頹喪。拔本塞源。莫此爲甚。又矧自滄海橫流。中原鼎沸。豺狼當道。率獸食人。爭上游之勢。海濱克存鄒魯。杜下況之趨。文獻可徵三台。先生領袖名流。老成碩望。登高一呼。羣方斯響。足音趵然。喜聆警欬。銅山洛鐘。難言空谷之應。鈞天廣樂。髣髴洞庭之奏。謹修蕪詞。幸垂青察。後學吳堅魯上。

中華民國十四年夏歷正月初六日

嶧山夫子大鑒拜別函丈。廿餘年矣。每欲音候。問津無由。現在北坑觀成校。忝充長職。得讀時中月報。知夫子提倡聖教。弟等將步趨有門。不勝

欣忭。二十餘年。毫無善狀。可以告慰。幸籍餘蔭。俾得尙執舊業。弟自存古學堂畢業。卽赴台山筋坑。光大高小學校。水南南強高小學校。歷任校長八年。乃歸開平。任勸學所職務。旋充開平縣立高小學校校長數年。今年復赴台山北坑。當北坑學校校職。凡此皆前學于夫子之門。得夫子之教。因亂解職。所致也。茲因去年六月。應上海聖教總會愛國報徵文忠字題。學作兩篇。今閱愛國報。得悉有一篇。列在第二名。仍未見揭出原文。僅見姓名里居。茲謹將原稿呈上。伏祈斧政便卽賜下爲禱。并請道安學生張仲魯謹上。





## 談叢

### 尤烈先生之孔教談

尤烈先生向在旺角閒居。著書自娛。西報訪員曾與其談話一次。但略而不詳。訪員昨得張覺君介紹。獲見尤烈於九龍。尤君長衫馬褂。領下于思。精神奕奕。談話尤覺有一種溫文態度。談話如下。(問)先生爲革命中堅。聞孫中山病危時。有屬意先生爲其繼任。未審已有接到明文否。(答)未也。(問)然則先生果肯繼任國民黨總理以繼中山志乎。(答)余現在不能決定。(問)因目下尙著開一書。須竟其功。(問)足下與中山。同事若干年。(答)吾與中山合作有四十餘年。當初本爲好友。後方興革命。組織一會。名曰興中會。取中國振興之意。其時會中同志。能辦事情同意者不下百餘人。其餘中下級工人等不知凡幾。尤以南洋及南北美洲之工商界爲多。但其時爲

滿清時代。同志中亦不少畏首畏尾之人。(問)聞又有名致公堂者與興中會是否同爲一轍。(答)否。致公堂卽洪門。由明末清初佔據台灣之鄭成功所發起。其初本名爲天地會。設在廈門。後因辦事失敗。改名洪門。吾與孫中山十餘歲時則入洪門。係在上海入會。長江上下游皆有洪門會友矣。惟後吾見洪門中有許多人不守地方上法律。所以吾人又改組革命黨。起興中會。至於致公堂民國初年。亦有一大部份多入其中。以南北美洲之人爲多。西人亦聞其會之名爲(Chinese Free Mission)但洪門會乃以反清復明爲宗旨者。惟吾人以其尙含有皇帝意味。不若吾人所持反清復民。民爲民國之民之爲愈。此興中會所由改組也。乙未年在廣州起義。九月初九失敗。遂出亡。迄今回憶已三十年矣。吾人出亡後。興中會交通斷絕。無人辦理。遂由弟輩發起中國共和黨。但此赫然五個字發生於前清時代。防各同志往返內地不便。乃將中國只要一(中)字。共和只要一(和)黨字要半概。合稱

爲（中和堂）。其時同志加入愈多。辦事愈有進步。後合併於（同盟會）。繼且稱爲（中國同盟會）。至民國成立。方改名爲（國民黨耳）。余自民國成立後。則未有出來辦事。但當民國初年。黎元洪在湖北武昌起義時。曾發數通電報與我。欲與吾面談。至袁世凱時亦然。屢發電報催我北上。遲之又久。吾於民國二年三月方上北京。見袁世凱一面後。見得辦事愈難。幹無可幹。乃揀一件最易辦之事去幹。因吾見中國道德衰落。民國成立後。且多有誤會孔子之教與民國有抵觸。蓋謂孔爲尊君。吾極不謂然。吾已再三研究清楚。將孔教之書從新編過。往時起民族革命。今則做孔教革命工夫。務革到妥協爲止。因人有誤會孔教之真義原理。往往想入非非。吾現所著之書。爲四書章節便覽。一民國四年起著作。民國九年出版。此書祇係尖沙咀海防道永生牛奶公司有得寄售。然只一冊便於攜帶。現更繼續編一四書新起兩本上下論矣。余敢謂現在能救中國者。只孔子之道而已。何則

我現在遍觀中國。所以如此紊亂者。無秩序而已。何者爲最良好之秩序。即孔子所謂（倫理）是也。有倫理方能有秩序。有秩序而後天下和平。不過近今之人。誤解孔子尊君。以爲君臣二字今日不宜存在。須知君臣二字爲廣義的君臣。非狹義的君臣。一家有一家之君臣。一省有一省之君臣。甚至藥材亦有君臣。不過君者爲尊稱之詞。非祇皇帝可稱爲君臣者也。余之所以編者。專注意及此。（問）現在段執政曾有電報與先生磋商政見否。曰有之。但吾之住址。係甚少人知。所以凡有通信幾經轉接。方能收到。吾現在亦只知閉戶著書耳。（問）先生以廣東局面如何方能使之平靜。（答）最好望武人覺悞息兵。孫中山亦有遺言。足見與吾同志。（問）先生以孫中山其人如何。（答）宗旨極好。毅力亦不可多得。惜乎辦事人材似乎不足耳。（問）選祺瑞又如何。（答）段氏似乎幾肯爲國家者。如加入對德宣戰。掃除復辟幾件功勞。不可抹煞云。（問）先生精神奕奕春秋幾何。（答）六十一歲矣。其後復談瑣事甚多。歷一點半鐘久辭出記之。

# 文苑

## 讀新甯陳解元先生集

開平舉人  
山西知縣張啓煌

程伊川爲其兄明道作行述云。得不傳之學於遺經。所以尊明道者至矣。議者謂無以處親授業之濂溪也。豈獨無以處濂溪。其秕糠兩漢。塵垢魏晉隋唐。幾乎秦火之後遂無學。有學亦無正學。正學之絕而不續。千數百年。以迄於宋。而明道爲不源之醴泉。無根之芝草也者。夫伊川尊其兄可也。必卑人以尊其兄。甚且卑千數百年之人。兄不安受矣。况乎非事實也。易繫辭傳云。易不可見。乾坤或幾乎息矣。乾坤無終息之理。則正學無終絕之期。正學者。乾坤之繫綫也。正唯欲絕而終不絕。而後可謂之乾坤。而後可名爲正學。啟煌嘗過不自揆。輒欲掇拾明道以前如兩漢魏晉隋唐諸儒

。能爲絕續大關者。彙成一書。庶幾乎質正伊川之說。一旦、得陳解元先生正學續。讀之。乃恍然有悟。驚且喜於吾之能具此思想。仿佛先生默牖吾衷者。不然。以爲吾之思想能無意暗合乎先生。吾不敢當也。夫以明道之學。其純粹而大備。豈不勝漢晉以來諸儒萬萬。雖然。吾竊譬之。有如一髮繫千鈞。明道。千鈞也。漢晉以來諸儒。其一髮矣。論輕重。千鈞與一髮殊科。論絕續。一髮與千鈞同功。計正學續所舉諸儒。如鄭康成范武子。以雍正二年復祀。諸葛亮以雍正二年從祀。陸贄以道光六年從祀。事皆出於先生成書以後。何言之驗也。餘或未及從祀。或改祀仍然未復祀者。必非其言之不驗。人心之公。將有待與。朱九江先生嘗擬請復漢儒盧植從祀摺。亦解元先生之正學續也。正學續。異學關矣。先生關異學。亦往往分見於涉需堂詩文集。如書張北山儒釋合一辨。辨釋氏之主無不主有也。曰、彼既不能無身。又安能無其身所有之事。千古關釋氏之學。無解頤

於此二語。吾尤愛其堂之以涉需爲名。有關出處退就之大也。招招舟子。人涉邛否。人涉邛否。邛須我友。須亦需也。不能需。一招卽涉。王佐才如荀文若。委身曹操矣。諸葛一門。唯武侯事劉。餘竟分三國矣。其免於滅頂之凶者幾何。空篋引曰。公竟渡河。李白橫江詞曰。郎今欲渡緣何事。如此風波不可行。皆涉需之義也。以先生在康雍時代。豈非所謂九州塵靜。四海波平。而猶惴惴於匏葉詩人之戒。不需卽不敢涉者。若以處海水群飛。風波萬惡之際。更當何如。噫、天下溺援之以道。先生援我矣。啓煌有幸。不見棄順德簡先生之門。得列九江再傳。嘗傳聞之九江先生曰。解四書。無完善本。唯勞莪野四書擇粹可取。而擇粹所擇新甯鄧機環先生之說。無一不粹而又粹者。常常於講席上亢聲誦曰。新甯大有人在。吾今讀解元先生集。則所謂新甯大有人者。不得以一人當之而止。其應三台之秀。而時常傑起者與。辛酉年秋七月癸丑。後學開平張啟煌讀。

按張先生爲簡朝亮先生高足。九江朱次琦先生再傳弟子。長於文詞。雅有風節。革命後設教港澳。從游者甚衆。蓋慕先生之學行也。

### 梁節菴先生乞病

（歸粵詩一首）

名病光陰負罪身。天恩今許作閒人。堂堂千載蹉跎去。了了餘生涕淚新。草木力微安得療。江湖心遠更相親。衰年那有酬知日。婦種山田算一民。按梁節菴先生。在前清湖北布政司任。參劾袁世凱跋扈。比諸操莽。斥爲必行篡逆。並連及慶親王奕劻。時張南皮在軍機大臣任內。奕劻交南皮處置。梁先生乃南皮所荐。不得已告病退職。觀此詩先生忠愛之意。溢于言表矣。

### 和梁節菴先生乞病

（歸粵詩一律）

趙宗壇

莽莽蒼生寄此身。悲歌哀泣爲斯人。文章驚世今傳誦。魚鳥忘機自可親。忠愛忍令長乞病。樸誠方許說維新。藏山心事誰能識。上爲朝廷下國民。



宗壇在前清宣統元年。由美洲回國。適梁節菴先師告病家居。吾以日本法典一書。及美洲暖壺一具。爲先師壽。先師書伊乞病詩一首於圓扇上見贈。謹步原韻奉和。是年再隨榘美京。復居美洲南北。十有三年。及回粵而先師已以守陵大臣之職。卒于梁格莊。三六餘年廣雅師弟之誼。不復再見。今檢書帖中。得先師所書絹扇及詩一首。如親炙左右。先師之孤忠高節。正可與夷齊媲美。爲百世之師矣。

### 荻海遺興

本月中作

余悅謙  
癸卯舉人

幼達成何事。虛名錯九州。翟羅堪設雀。寧海欲浮鷗。憂患中年集。韜鈴老輩休。買臣榮五十。早晚不須尤。

府帖來前夜。輪門却倒懸。求援兼得繫。(見國語)作俑莫爭先。桃梗飄流水。(見國策)隆冬絺綌地。輪幣欲薰天。

百年長習慣。當局事推尊。晝伏齊君鼠。晨趨魏相門。掘濠須得水。伐木

便抽根。若輩應酬大。艱難勿再論。

已逐神州鱷。衣冠尙沐猴。餓葦兵燹後。食肉稻粱謀。龍蟄三冬雪。鷗橫  
萬里秋。向來豪俠累。積勢重回頭。


市中何所有。贖得爛羊頭。蝦菜鮒生饌。魚鹽虎吏抽。萬錢縱下箸。五鼎  
運輸籌。似爾尋常瀆。吞舟未可留。

## 叠和 趙嶧 山先生會晤珠峰同學一律原韻

開平謝雙稿  
歲貢生

笠車相揖逢今日。硯席聯同憶往年。救世咸欽君意切。明倫喜得我心先。  
鴉窠戰野傷時局。馬帳談經仿古賢。萬眾圍橋爭觀聽。駕臨到處有因緣。  
茅塞心田善種枯。舜徒幾變蹠之徒。尼山竟敢嘲衰鳳。直筆誰能贊董孤。  
務實夙懷君子德。盜名尤戒小人儒。欣逢舊友蓬門到。話兩窗燈影不孤。  
海客談瀛語萬千。觀風歐美已多年。胸襟灑灑唐居易。腹笥便便漢孝先。

學說通中還達外。教規譯聖更傳賢。休嫌宗孔難強國。會友論文好結緣。  
歲寒松柏不凋枯。守道誰爲孔子徒。暴斂難堪歌碩鼠。公妻更恐誚雄狐。  
勿聽謗口驅邪說。欲正人心待大儒。報道先生歸去也。神隨沙海片帆孤。





## 要聞門

### 德星學校近訊

上閣墩頭德星學校、開辦數年、成績卓著、去年已舉行第一次畢業、近復銳意整頓、今年學生多至八十餘名、惟值匪風猖獗、影響所及、學生咸具戒心、雖該鄉防衛鞏固、可無他危、然學生懼禍心勝、每屆夕陽西下、輒逃避一空、校長亦無法制止、聞該族出洋人衆、苟能關懷桑梓、不難捐助巨款、建一鞏固礪樓、以作宿舍、俾學子得以安心就學、惜該校自開辦以來、外洋客未有分文之助、辦學諸公、雖慘淡經營、仍屬心有餘而力不足云

### 植本學校近訊

北活植本學校、開辦有年、只以前任所聘之外來教員、頗多目不識丁、即

間有畧諳教授者、又一味放任敷衍、遂致歷年表冊、亦延擱未報、現聞該學董、特改聘陳祝南君充當校長、鄉人前畢業於省立第壹中學校、曾充邑屬第九區視學員、對於學務、極有經驗、且聘有公法畢業生陳某、大加整頓、如校友會、圖書部、學生校外演講隊、校外通俗閱報社、及學校年刊等、無不次第舉辦、所用款項、完全由該校長担任募捐云、

### 如栢女校之發達

公益如栢女校、開辦已十餘年、向稱發達、是年伍于翁君充當校長、力圖擴充、故來學者衆、竟達九十餘人、惜校舍窄狹、未能容納多人云、

### 公民學校近訊

洞口公民高小學校、開辦數載、成績頗著、今歲該校校長黃益三君、力求完善、特爲擴充校舍、增置校具、添聘台山縣立師範畢業生趙協初、上海美術專門學校畢業生劉敬之等君爲教員、學子達百餘人、茲又附設女學、

借德暹祖廟爲校舍、聘請台山縣立女學畢業生李新好女士爲教員、該校前途大有蒸蒸日上之勢云、

## 台城之女師荒

近年四鄉女學日多、惟女師人才甚少、求多于供、故女子之稍識之無者、亦居然濫充教席、亦女學前途之厄也、剛德學校、去年舉行畢業、女生十名、除有三名往升學外、其餘七名、悉被別處女校早已聘充教員、至今到該校聘請者、尙有數處、未有以應、該校擬代爲物色云、

## 灌根學校之興廢

城東永安堡、甄黃林三姓、聚族而居、曾未有一完善學校、以致學風日頹、民國三年、黃璞珊君、力倡興學、向外洋昆仲、捐款設一灌根學校、成績頗有可觀、未幾璞珊有北美之行、遂辭教務、後因經費不繼、學務又廢弛、至今年黃啓雲君、乃自提款、修葺校具、聘請甄韋流余啓行二君、充

當教員、該校今得黃君整頓、學務前途或有可觀云、

## 石路學校之擴充

白水石路村譚氏井一校、去年經極力振刷、成一完全之校、今歲仍大加整頓、擴充學額、添聘教員、近因三龍村離校稍遠、設一分校在龍河村、暫調教員黃燦榮駐堂教授管理云、

## 鄒村教育之調查

鄒村學務、向來廢弛、自年前整頓後、成績畧有可觀、然學校與私塾并峙、未能統一、殊干發振教育前程、大有窒礙、查該堡正式學校、有潮洞敬和高小一所、和興聯興兩等一所、塘角鑄才兩等一所、國民學校、則有塘口里毓英學校、仁興里國民學校、女校則有塘口培坤女校、增崗厚女校、土梨崗女校、各一所、其餘大塘塘口、餘慶、龍山、上村、大朗、凹頭、土梨崗、均有私塾一所、統計該堡男女學校、有十餘所、學生不下三四



百人、然除正式學校、認真辦理、有些精神外、其餘私塾、則腐敗不堪、且類多佻傥無聊之輩濫充教席云、

## 海宴學務近訊

海宴學務、以民八九十二年爲最發達、是時共有高等小學十餘間、且皆具有辦學之真精神、然近二年內、自賊匪影響經過之後、頓然衰落、其間因經費問題而停辦者、亦屬不少、查現年能續辦者、不過三四間耳、噫關心學務者、何不再接再勵乎

## 中學考錄新生姓名

台山中學校、本年招考新生一班、取錄正取生六十名、榜示如下、朱潮榮、陳炳珍、伍福麟、梅培高、梅玉麟、黃其楫、黃榮相、朱買認、朱梓健、黃錫坤、伍相傑、余華熙、伍如炎、李瓊琚、馬就聰、馬煥朝、梅競文、伍灼敦、趙思賈、李進登、陳震雲、譚振和、劉郁文、黃汝楫、朱翠新

、馬榮耀、黃榮波、劉壽榮、譚英炎、伍永康、吳蔭春、朱汝陽、伍述麟、譚伯俊、余文晃、黃龍威、趙若回、任乾元、余華棟、黃子惠、黃渭坤、雷炳信、馬汝紀、林錫康、譚子瑤、梅千秋、李常春、譚德全、陳萬相、伍光洽、梅啓賢、黃伯潤、伍錦富、馬衍慶、黃文光、江健亭、譚兆星、林仁三、李蓬洲、岑汝濂、備取生十名、黃仕政、伍寶璋、伍元晃、伍憲觀、湯燦森、黃殿元、梁廷桂、黃啓輝、鄺玉鵬、李元春、又取錄丙班插班生五名、梁光華、黃朝威、李福莊、湯子堯、黃生安、

### 培德女學校人滿見遺

下坪承平里培德女校、開辦數年、成績昭著、去臘該校學董發起捐款、購置新式檯椅校具、聘請羊城路德學校畢業生伍佩容女士爲教員、四鄉婦女、報名來學者達八十名、但該校以地址所限、祇收五十名云

### 啓後學校之發達

五十區馬族啓後學校、開辦數年、成績甚好、本年仍聘馬乾三爲校長、馬翼如、馬直之、馬賡堯、馬輯如爲教員、四鄉來學者、計達二百餘名、亦發達矣

## 平洋學校之恢復

新昌平洋觀成學校、自清末開辦、頗著成績、後因款絀停辦、今旅外各昆仲、特組織一辦學社、當時捐得鉅款數萬、函致家鄉父老、將該校恢復、父老得函、集衆會議、復捐得五千餘元、公推黃君玉珊爲校長、以壺仙逸仙兩祠爲高小國民校舍、以南閘村爲國民二分校、以塘口爲國民三分校、經將校具置妥、學生報名者百餘人、尙源源不絕云、

## 有秋學校之整頓

莘村麥氏有秋高小學及國民學校、本年改組、公舉該族自治會議長麥季素兼任校長、即將該村學務統一辦法、大加整頓、計有國民級五班、共二百

八  
餘名、高小級一班、三十餘名、已添聘教員、定期開學云、

## 冲灣女校近訊

冲灣女子國民學校、成立數年、去冬該村旅外熱心之士、又捐款寄回務使辦理臻於完善、現已廣設校具、聘得省城李女士寶芬爲教員、於去月下旬開學、學生已達四十多名、來學者、尙源源不絕、惟校舍太狹、不能容納多人、故後至者、有額滿見遺之嘆云、

## 台山中學校新陞字額

新建台山中學校之匾額、前在本邑大塘石山、選得白麻石一方、僱匠在校場琢磨、歷時數月、昨已鐫字完工、此匾長十七尺、高三尺、厚九寸、四邊出線、鐫以凸字、文曰、台山縣立中學校、每字大二尺、書法蒼古雄勁、得晉魏碑帖神髓、聞係前北京教育總長蔡元培所書、昨已陞上校舍正門之圓磚柱上、以三合土填結穩固、此匾筆注之佳、鐫工之巧、見者均稱爲雙

絕云

## 新建台山中學校之會議

台山中學新校舍工程、建築過半、竣工之期不遠、聞建校辦事員、擬工竣後、定期十月中旬、舉行開幕、而域多利埠建校總公所、亦因校舍行將開幕、各事須預爲籌備、擬具問題六款、徵求駐台公所意見、建校辦事員接函後、即定期開會討論、茲探錄其議決案如下、(一)建築砲樓、校舍建在荒郊、砲樓必須設備、其始擬用鋼筋三合土構造、繪定圖則、估價需八千餘元、因用款太鉅、改用石花山鳳山採出之蠻石建築、每座約五千餘元、共建砲樓兩座、一在校舍北邊山墜、一在南邊山墜、樓高三層、第四層則建設自來水塔、及探射燈樓、以期相因爲用、而資防衛(二)設置水塔、自來水塔水管、係蓄水貫注全校應用之具、此水塔既議決附設砲樓之上、毋庸另行建築、但於南邊山墜寄宿舍附近、鑿井汲水以供取用、(三)自設電

機、校內電燈、原欲向電局搭線、但自設電機、則電力充足、除開電外、且可藉此機爲自來水塔汲水之用、故議決購買價值二千餘元之小電機、自僱司機開電、此機可開燈二百餘火、比之在電局搭線、每月須燈費數百元、相差之數無幾、於是全體贊成此議、(四)定期開幕、議決本年夏歷十月十六日、爲新建台中學校舉行開幕禮、并於開幕前後數日、開會慶祝、以十四日開會歡迎來賓與華僑觀禮團、十五日開華僑懇親會、與全邑學校運動會、十七日中學校員生紀念邑僑捐建台山中學校舍碑柱開幕、與紀念堂紀念亭開幕、十八日名流演講、徧請各界參觀、到場助慶、(五)賞有功者、凡建校有功人員、分普通特別兩種獎賞、特別者以多數人合撮一影片、製爲磁相、留校紀念、普通者定製銀質燒青徽章贈送、以表謝忱、(六)稟請加獎、捐貲建校之善士、除由本公所照章製磁相紀念、另擇其捐貲銀五百元或捐港銀一千元以上者、呈請政府加獎、以示優異、

## 達英學校畢業生題名

達英學校在海口第七區於民國十三年畢業今年將名冊送縣請廣東教育廳批准發給畢業證書茲將各生姓名探錄如下

李錦榮 阮玉昆 李正華 阮榮煥 阮子駒 阮建昌 阮福荃 李國文  
阮偉康 丘瑞池 阮龍光 余襄廷 阮池傑 阮煥培

## 明新學校畢業生題名

明新學校在縣城第一區東方石板潭村於民國十四年畢業今年將名冊送縣請廣東教育廳批准發給畢業證書茲將各生姓名探錄如下

黃榮波 黃廣進 黃兆松 黃龍長 黃培茂 陳式宏

## 橫水學校畢業生題名

橫水學校在白沙第十三區於民國十三年畢業今年將名冊送縣請廣東教育廳批准發給畢業證書茲將各生姓名探錄如下

黃炳鈿 譚金柱 黃子林 黃同生 黃如則 黃維周 黃英敖 黃俊業  
黃如永 黃卓宏 黃如濯 黃炳高

### 鑄才學校畢業生題名

鑄才學校在新昌第四區於民國十三年畢業今年將名冊送縣請廣東教育廳批  
准發給畢業證書茲將各生姓名探錄如下

朱瑞鐸 朱玉珩 朱思聰 朱濟渠 朱在益 朱炳章 朱梓健 朱光宗  
朱舜然 朱文邦 朱伯達 朱汝揖 朱金盛 朱祥大 朱潮瀚 朱國賢  
朱瑞生 朱榮照 朱占周 朱國俠

### 光大學校畢業題名

光大學校在縣城第一區於民國十三年畢業今年將名冊送縣請廣東教育廳批  
准發給畢業證書茲將各生姓名探錄如下

葉天恩 葉國榮 葉錦英 葉松德 葉燦森 余柱穩



## 國內要聞

### 全國教聯會對庚款之宣言

全國教育會聯合會因庚款事、特組織庚款事宜委員會、以資辦理、頃該委員會對退還庚款各國之宣言云、中華民國全國教育會聯合會庚款事宜委員會對於各國庚子賠款宣言、本會是由中華民國各省區教育會聯合會所產生的、全國教育會聯合會、每年在各省區開會一次、已經開會十次了、去年十月在開封開會、議決組織本會、使對於各國退回庚子賠款有所主張、或參加意見、所以取名曰中華民國教育會聯合會庚款事宜委員會、庚子賠款總額爲四萬萬五千萬海關兩、當時各國之意、係按照中國人口四萬萬五千萬、每人課罰一兩、以示懲警、但是凡爾賽和會以還、此種懲罰性質的賠款、已不復施諸戰敗國之間、况中國人口雖屬四萬萬五千萬、而參與義和

團戰役的、實僅山東直隸等省少數人民、其餘各省并未與聞其事、各友邦乃一概加以責罰、可謂不公道之至、自華盛頓會議後、各國既聲明以公平正義的原則待遇中國、則對於此種不合理的不公平的庚子賠款、希望各國繼續美國以及蘇俄政府之後、一律無條件的退回中國、庚子賠款總額、既按照全國人口平均、每人課罰一兩、而分配負擔的方法、復按照各省人口多少、以爲比例、美國退回賠款辦理的清華學校、即照此種比例分配各省學額的多少、是其明證、今各國退回賠款中有聲明以之發展中國教育文化者、此舉正爲符合中國人心理、但是應該退回到各省、以辦理各省的義務教育等、爲全國的個人謀幸福、因爲負擔賠款的爲全國各個人、則此款退回的用途、應該用於全國各個人的身上、方爲合理、換一句話說、此款退回應該用以發展各地方之教育文化、使全國的子弟普受其益、不應該用於中央所設的少數學校、或各國教士所設的教會學校、以教育一階級或一部份的

人、中國教育的基礎、大半是民國成立以前的設施、民國成立以來、每年增加、國民的担負不爲不多、但是皆用於兵費、以從事於內爭、真正用於教育爲人民謀幸福的、可謂絕無其事、無論在中央政府、在地方政府、皆是事同一律、若退回賠款用於現有的學校、則經前原有的學款、無論在中央政府、或地方政府、皆轉移爲養兵或其他的費用、是則賠款退回、不但於全國人民身上無絲毫利益、且因而助長中國內亂、更加重人民身家的危害、按諸各國退回庚賠款的本意、必不相符、基此以上的各種理由、所以全國教育會聯合會議決、對於庚子賠款應設立三種董事會、(一)爲中國人自行組織的全國庚款董事會、專與各國接洽退回庚子賠款事宜、選舉與中國某國合組董事會的中國董事、并與下述二董事會協定庚款之保管及分配、(二)爲中國與退款國人合同組織的中某庚款董事會、其董事名額、中國應佔三分二、退款應佔三分之一、開會主席、以中國董事充之、專任接收

某國退回賠款的事務、但中國董事、須由全國庚款董事會選舉、(三)爲各省區庚款董事會、專任接收或支配各該省區應該分得退回的庚款、至於各國退還庚賠用於教育的分配方法及用途擬定國家教育應分得退還總額十分一、各省區教育應分得退還總額十分九、分得總額十分九中、大部分按照人口多少爲比例、小部分按照各該省原負擔賠款額多少爲比例、分配於各該省區、務求所得平均、勿使畸輕畸重、各該省區收得退回庚款以後的用途大部份用爲義務教育基金、其餘小部份則用爲科學教育平民教育等項基金、務使該款永遠保存、每年只就息金項下開支、不得動本、庶幾各國的善意、留作億萬年的紀念了、以上各事爲本會代表全國教育界所主張、自信此種主張理論極公平、事實甚正確、希望退回賠款的各國政府、以及熱心中國教育的各國人士、十分注意、加以採擇、實爲萬幸、

## 國民會議組織法修正案

### ▲胡適所提出

北大教授胡適近在善後會議提國民代表會議組織法修正案、原案如下、

第一章 總綱第一條 中華民國臨時政府爲徵求全國國民公意、解決國家根本大計、及建立國家根本大法、召集國民代表會議、第二條、國民代表會議以四個月爲會期、但得延長一個月、第三條 國民代表會議於代表選出後一個月之內於臨時政府、所在地開會、第四條 國民代表會議議員已滿五分三以上、卽行開議、第五條 國民代表會議之議事規則、由會員自定、第六條 國民代表會議議決之法案、由會議自行宣布、

第二章 組織第七條 國民代表會議以左列各議員組織之、一各省依人口之多少、每一百萬人選出議員一名、其零數過五十萬者、以百萬計、依民國十一年郵政局調查人口約數、計京兆四名、甘肅六名、直隸三十名、新疆三名、山西十一名、奉天十三名、河南三十一名、吉林七名、陝西九名

、黑龍江三名、山東三十一名、浙江二十二名、四川五十名、福建十三名、湖北二十七名、廣東三十七名、湖南二十八名、廣西十二名、江西二十四名、雲南十名、安徽二十名、貴州十一名、江蘇三十四名、二、內蒙古四人、三、外蒙古四人、四、西藏六人、五、青海二人右共四百四十九人、第二章 選舉、第八條 國民代表會議議員、依前條規定、用直接選舉辦法選舉、第九條 凡有中華民國國籍之男子女子、年滿二十一歲以上、於編製選舉人名冊以前、在選舉區內居住滿三個月以上者、有選舉國民代表會議議員之權、第十條 凡有中華民國國籍之男子女子、年滿二十五歲以上者、得被選舉為國民代表會議議員、第十一條 凡有左列情事之一者、不得有選舉及被選舉權、(一)褫奪公權、尙未復權者、(二)經證明為癩痴者、(三)不能解說日用通行文字者、第十二條、(國民代表會議議員之選舉、各省京兆等區準此)以之為選舉區、以縣及市村為投票區、選舉區

設選舉監督、縣投票區設投票監督、市村投票區由縣投票監督委託市村長爲監視員、第十三條、選舉人名冊、以定期登記法編製之、凡選舉人皆須於公布之日期內至各縣市村投票區、自行登記、凡未有選舉人名冊內親筆登記者、不得爲選舉人、第十四條、各省京兆等區準此、(下同)應於選舉之前成立國民代表會議議員候選人推舉委員會、以左列各公團代表組織之、(一)省議會代表十五人、(二)省教育會代表十人、(三)省商會代表十人、(四)省農會代表十人、(五)省工會代表十人、本條所列舉各公團、於未組織法公布時未正式成立者闕之、各公團代表、由各公團正式開大會選舉、以得票最多者當選、第十五條、議員候選人推舉委員會應於選舉期八十日之前開會、於本省有被選舉資格之公民中、推舉足以代表全省者若干人爲本省應選國民代表會議議員之候選人、候選人數應倍於本省候選人數、候選人之推舉、各須有候選人推舉委員五分一以上之提議、過十分二以上之

表決、推舉委員會會員得被推爲候選人、但不得過候選人數八分之一、第十六條、推舉委員會應以電報詢問推舉之候選人願否候選、并應限制請其答覆、候選人辭却時、由推舉委員會另推舉、改以已推舉之候補候選人遞補、

## 段祺瑞建設宣言

▲防止革命

▲國民制憲

民國十三年十一月二十一日、祺瑞在津宣言、欲本良心之主張冀爲澈底之改革、其改革程序、則（一）由善後會議解決時局糾紛、共謀和平統一、以回復國民固有之秩序（二）由國民代表會議、解決一切根本問題、適應時勢要求、以避免現在及將來之革命、其改革目的、則（一）制定國憲、（二）促成省憲、凡此皆多數國民所祈禱、祺瑞之所奉以周旋、所謂馬日通電者是也、夫建設之業、條理萬端、治亂之機、始簡終鉅、國人果其悔禍、爲政豈在多



言、是以馬電內容、僅舉建設大綱、就正國人、所望海內賢達、百慮一致、匡其不逮、虛衷以俟、擇善而從、斯爲大幸、昔王荊公與司馬君寔論治、以爲儒者所爭、尤在於名實已明、而天下之理得矣、今國中議政之家、務在立名、號於有衆、用資宣傳、祺瑞老矣、且非所長、然當今日善後開議之際、全民風動之時、既願開誠相與、不得不傾吐所懷、以免知我者病其太簡、好事者附會其詞、致失真意所在、茲特綜核名實、更就馬電所及、擇要申說、期於共喻、非矜我見、而較論當世之異同也、

(一)辛亥革命之意義 辛亥一役、易帝制爲民主、閱時未及半載、而清帝遜位、民國政府成立、南北統一、並世史家、至稱之爲無血之革命、何其幸也、國人試一注意、當時經過之事實、可得極精確之意義如下、(一)辛亥革命之成功、完全基於於民意、絕非決勝於武力、當時所謂民意、即不外依南北議和之結果、使全國中心勢力、相與平等協作而已、凡反乎此平等協

作之原則、而從事於武力之企圖者、無論其所用武力之量數爲何度、亦無論其所揭豬柔之主義爲何物、卒無一不遭國民消極之抵抗、而同歸於覆敗、由是而知國民消極抵抗力之偉大、乃至不可思議、而爲今後言救國者所不可漠視之重大教訓也、(二)辛亥所解決之建國問題、止於國體一事、至民主政制施行之方案、中央地方權限之劃分、國民政治能力之養成、則一切在留以有待、存而不論之列、於是宣布臨時約法、以資保證、用垂久遠、厥後雖有帝制復辟反動、然皆於最短時期、悉就撲滅、其他政治問題之爭議、則以不得國民積極援助之故、不能及時解決、輾轉遷流、至於不可紀極、由是而知約法根本効力、固始終未嘗中斷、而以政制不備、職爲厲階、垂十三年、非爭執者、不能謂爲約法不良之左證、蓋國憲未定、革命因之而延長也、(三)革命延長之危機 中國自約法宣布以前、爲國民革命時代、過此以往、則爲黨或局部革命之延長、除討伐帝制復辟賄選諸役、爲國民所許可外

、其他軍事行動幾於歲歲有之、於國民何與焉、其影響所及、至於創巨痛深、不可收拾、約而言之、(一)爲國家有形之損失、國家行政令號、不出都門、國庫收入、全數悉被截留、凡國民教育生計之所資、地方命脉之所恃、無不摧殘殆盡、世界萬國、無此政制、割劇偏安、無此政象、其在平時固已然矣、至於戰禍既起、尤爲慘不忍言、與其認爲革命之繼續、毋寧謂爲內亂延長之爲當也、(二)爲國民無形之損失、內爭相持、國是未定、凡中國固有之中心思想、所謂不可得而變革者、既已敝敗而不適用、凡現代思想之輸入、又多由於外來、一二人倡之、其附從之衆、至於數十百千人而止、固未嘗入於人心、國民所發見理想與事實之矛盾、名實言行之不相顧、未有甚於此時者、夫使善惡無定形、是非無定名、則不特政府無政治之術、乃並國民望治之心、而亦絕其萌芽、政治生活每况愈下、而復向上之機、長革命延長之禍、所以烈水猛獸、舉國之中、殆無一人焉能否認此

說也、是以今之急務、莫如防止革命、欲止革命、莫如速定國是、欲求國是之速定、則舍國民制憲無他途也。

(二)制定國憲促成省憲 制定憲法、爲國民會議最大之任務、在世界先進各國、已成通例、無俟詳說、其或以布憲爲空文、而別圖所謂澈底改革者、是直自擾而已、將謂辛亥革命、厥有約法、而內亂相踵、視清季殆有甚焉、是固然矣、顧不能因法未盡善之故、致疑於法之不當立、可斷言也、設當日制定之際、其參加分子、不以各省代表爲限、其立法精神、不以取便臨時自足、則其施行之效力、豈特維持民國之名而已、即十三年間之內亂、不作可也、不幸既廢止臨時政府組織大綱、以謀第二臨時之延長、又限於十個月內召集國會、制定憲法、以表示約法無歷久之機能、於是有大力者、因之而生心、主法統者、假之爲武器、法律爭議、爲內戰之媒介、政治中心、隨武力爲轉移、此則已往紛亂之局所由來也、此次國民代表會

議之召集、首當制定國憲、爲一勞永逸之計、各省制憲之自由、以國憲保障之、在省憲未定以前、政府促成之方法約舉如下、(一)制定縣議會組織條例、使各縣一律成立縣議會、以謀下級自治之發展、並爲制定省憲之準備、(二)制定省河自治暫行條例、使各省獲一自治省政府之雛形、進而謀民治之實現、(三)其特別市如上海北京等處、並宜制定市自治條例、以垂模範、三者皆期於必達、亦今後治亂之關鍵也、

(四)善後會議與統一 善後會議之召集、以解決時局糾紛、籌備建設方案爲主旨、與國民代表會議、截然爲兩事、性質既殊、組織各別、前布條例、及籌備各電、言之至詳、有識之士、當不至併爲一談、夫國民主權之在今日、所謂天經地義、五尺能道、然必謂政府善後之舉、和平息爭之責、亦當委諸主權者之國民、非所聞矣、中華民國及其國民、自始無所謂不統一、觀於國內分裂之局、相持至於數年之久、然而中央司法實業之行政自

若也、全國商教兩會之聯合自若也、舉凡國民間之情感利害、殆無所往而非秩序厘然、絕少衝突、國有恒性、孰能易之、若夫因時局之變、而爲今日統一之障礙者、厥惟軍事財政之紊亂、其癥結所在、則以少數有力者之自私自利、互爲因果、決非事實上之困難、已陷於不可收拾之狀態也、國民方面、既無糾紛之可言、亦不能負解決之責、所當有事於補救者、將惟臨時政府是賴、而區區之愚、則願與全國軍政當局立於平等協商之地位、旁求當世名賢碩彥之指導、消弭循環報復之隱患、用成和平改造之新治、如是而已、至於國民代表會議之召集、祺瑞既可發議於前、則其組織及選舉方法、凡願與祺瑞同負改造之責者、自能決議於後、誠無取乎齟齬過慮爲也、

(五)國民代表會議與制憲 國民代表會議之組織、當極端注重者、(一)國民代表選出之方法、務求公溥、而後所謂國民總重者、始有表現之可能、

(二)會議職權無取夸大、議事程序、須極嚴重、而後民國根本大法、乃得早觀厥成、茲二義者爲政府準備提案之綱領、以俟善後會議之考慮、卽在國民亦有自由討論之餘地、非本宣言所能詳也、惟制憲大義、爲成立國民代表會議之基本條件、所關尤鉅、蓋承今日法統既壞之局、非舉一切改造方案、納諸國憲範圍之中、而悉取支配於其下、則將陷於有政治運動而無國家行爲之危險、恐怖時代、將自此始、革命之禍、伊於胡底、所望國人急起直追、而預爲之計、則幸甚矣、

(六)建設前途之責任 綜上所述、關於會議最大之任務、與建設計劃之次第、雖由馬雷發其端、然其運行之際、所以主宰而綱維之者、則不在個人而在全體、蓋善後會議、實爲全國勢力之中心、國民代表專司總意、表現之樞機、必謂發議之人、具有指揮若定之能、當負政由已出之責、夫豈其然、徒以紛爭既久、渴望統一、革命告終、宜有建設、亦旣全國口悟、心

同理同矣、而歷年來屢試屢敗之武力主義、心勞日拙之命令政策、愚者猶知其不可、於此而欲改絃更張、別闢徑途、以挽末流之失、用成中興之治、則舍會議解決而外、無他道也、國於天地、必有與立、政府其後起者也、有統一而後有政府、憲法其先決者也、有憲法而後有建設、繼今以往、凡所以息內爭而回復統一、舍革命而進於憲政者、一切皆將基於理性上之威權、訴諸國民之自覺、以決其成否、臨時政府之所能爲力者、殆至微末不足道、凡我國民、蓋興乎來、中華民國十四年二月一日段祺瑞





## 中外要聞

▲東南問題將干段祺瑞壽辰王揖唐盧永祥到京時商定辦法▲北京財政部擬擴充新公債爲二千萬担保品因德賠款不足現尙未定▲段祺瑞以外交懸案待決甚多擬以沈瑞麟任外長▲外交內務財政三部已議決取銷鴉片專賣案▲張作霖規定東北屯墾費每月十萬擬在本省及魯豫招貧民三萬移往屯墾▲上海發現曹琨齊燮元簽字合同以浦口商埠抵借英法支那公司借款一千五百萬磅▲熊克武代表奉熊命退出善後會議▲漢日商與坂西爲吳佩孚籌借款各界甚憤日商亦恐釀出排日風潮遂要求日領令坂西出境十六日坂西離漢十七日赴青島▲十九日下午善後會議二次大會趙爾巽主席報告議程畢段祺瑞出席說明整理軍政意見姚震出席說明國民代表會議組織法結果兩案均付審查▲金佛郎案財部已與法使商定辦法前傳駁覆不確但辦法內容未宣布▲教部向善

後會議提議教育經費獨立籌教育基金及輔助小學教員薪金▲法制院佈告國民會議條例七十五條規定以議決憲法及施行附則爲職權其憲法及施行細則由法制院起草聽國民會議議決▲財部借款檔案遺失現將茶役拘辦▲清室委員現查出溥儀以古物向銀行押款合同多紙▲盧金山電段祺瑞稱川軍六日在重慶會議決推袁祖銘爲總司令賴心輝爲總指揮由宜昌施南分道東下▲閣議決胡景翼怒玉琨互相攻訐決派馮玉祥調停▲馮玉祥勸令各回原防胡已允怒未有覆電孫岳將赴洛陽向怒疏通▲段祺瑞接到鴉片公賣條陳甚多批交善後會議討論▲十四日國務會議某部報告方本仁電稱據孫傳芳來電主聯東南各督請調盧永祥離蘇撤退奉軍改張宗昌督蘇吳光新長蘇段祺瑞謂盧永祥不能撤蘇長已定鄭謙十四日已下令鄭不日赴寧就職▲十三晚孫傳芳向兵工廠強提取炮十二尊炮彈數萬顆電告商會京政府段祺瑞頗以爲異致電張作霖商量應付辦法▲孫傳芳陸續調閩軍入浙已達二師人以上▲孫傳芳擬在杭州建浙

江兵工廠已勘定地五百畝又飭憲兵開赴長興駐防▲滬領團推廣租界議案已送到京俟使團會議決定即照會外部▲京奉兩方往返磋商對付孫傳芳強劫兵工廠軍械問題多數主張伸中央威信張作霖對執政政府處置時局辦法認爲紆緩主張急轉直下▲孫岳電告交還保定大名與直省▲憨玉琨派孫岳合作驅胡孫岳拒絕▲川滇黔聯合圖鄂袁祖銘率八混成旅逼夔巫盧金山十四日與蕭耀南商防務調寇英傑劉佐龍各一部往鄂西備戰防軍統歸王汝勤節制▲岳州人民十五日開驅吳大會議決派代表向蕭耀南請願並電請段祺瑞飭蕭逐吳▲吳佩孚齊燮元馬聯甲等代表集杭密議恢復勢力以馬爲淞滬總司令發難外傳吳佩孚黨在武漢活動蕭耀南假言嚴辦實亦與謀齊有潛行回國消息

▲上海電 十三日孫傳芳由兵工廠搬去多數軍械雖由經管之總商會出而制止亦不之恤此事違背最近所締之和約於現在之江浙時局再發生暗礁反對其昨日交換批准時兩國代表互相交附之批准通告書▲段祺瑞任王正廷鄭謙爲

中俄會議督辦及會辦▲西南某代表提議聯省政府案連署者已有數人惟奉系及國民軍系均反對▲段祺瑞向善後會議提出收束軍事大綱案以民八預算歲入三分之一爲軍費軍額定爲五十萬組織委員會擬定收束辦法▲十四年新公債銀界界已允代推銷▲王揖唐廿六日抵鄭州與胡景翼孫岳柏文蔚等晤談均贊成和平解決 ▲孫岳電告抵豫後雙方均已停戰二十七日抵新鄉已邀胡慈同來議和▲法公使因王克敏有破壞金佛郎案嫌疑遂派兵監視經人調停已諒解▲于右任銜孫中山命廿八日赴奉▲二十八日善後會議決定會員領費每名六百元▲盧永祥電段祺瑞請廢督定軍制劃軍區先裁蘇督辦以徐州爲國軍區域江南不駐國軍另編蘇軍歸省長節制撤銷宣撫使令結束軍事並令浙省國軍調赴國防區域不得仍駐江浙接壤之處▲張學良將移駐山海關張作霖視壽後即起程▲淞滬商埠會辦孫寶琦主張劉式訓李平書擇一任用又在市政條例未公佈前暫由督辦署設市政管理處半年籌備內部主市政條例與督署條例同佈惟未

決▲胡景翼愁玉琨部廿五日在禹州登豐開火廿六起在榮陽鐵爐開火岳維峻在鐵爐督戰廿八日京漢南下車至鄭州止▲奉軍在滬繼盧何發行淞滬公債各團體反對張宗昌廿六日來電聲明發行苦衷

▲東京電 日本阪谷男爵在上院提出宣統廢帝東渡時待遇之質問幣原外相答覆云倫果東渡則以爲當鄭重待遇但倫作爲皇帝辦理則頗困難等語阪谷男爵又云希望避免於外交上使各國對於日本懷疑之待遇云▲新公債仍定千五百萬改與外銀團接洽承銷安格聯允担保但祇充政費▲二月鹽餘二百八十萬李思浩疏通外團暫緩還債挪數十萬發北京軍警餉▲張宗昌六日自奉通電就蘇奉魯勤匪總司令將駐徐州▲徐州奉軍開徵津浦貨捐人民呼籲取消使團將提出抗議▲張作霖派張學良所部飛虎隊移駐山海關張學良十三日赴山海關▲李思浩在奉天徵張作霖對金佛郎案解決法意見張作霖主張交國民會議議決▲梁鴻志四日晚出京赴奉葉恭綽派鄭洪年代表赴奉祝壽▲孫中山派徐紹

植段祺瑞派段宏業赴奉祝張作霖壽閣員要人及善後會議代表均往三日四日  
共開專車七次▲奉張電段祺瑞聲言東三省奉軍祇允限減至二十萬馮軍又極  
留難段近對裁兵問題反抱消極主義▲三日善後會議均端動議本會極贊成盧  
永祥主張廢督通電請大衆質問政府表示何種態度政府委員答稱盧電關係全  
局尙在討論中▲段祺瑞着陸軍部會同內務部會訂縮小省區範圍大省劃分三  
省小省劃分兩省實行廢督裁兵▲善後會議各代表對改組政府案多數主張  
實行段祺瑞疏通無效▲唐紹儀等由滬電善後會議力主改組政府採用聯治制  
如正式政府未成立以前以委員制代行職務▲段祺瑞八日電盧永祥謂廿七  
日電主張實獲我心第茲事體大須全國一致未便單獨舉辦仍希先就蘇督辦職  
從長計議▲閻秉直等向非常國會提出改組臨時政府意見書主張共同起草  
後派員赴各省鼓吹褚輔成將加入▲湘趙聯絡川滇實力派將發表具體聯治計  
畫宣言▲梁士詒二日晚抵津五日入京段派其次子往迎迓▲吳佩孚衛隊千

餘及隨員等乘瀋蜀楚信兩艦抵岳州蕭耀南即派員勸吳回黃州▲吳佩孚三日  
晚到岳州四日辰率徒手兵登陸趙恒惕有到岳晤吳說吳電趙謂政府嚴令捕  
決川瀋蜀兩艦并捕佩孚入京聞由許建廷負此責故避地岳州▲吳佩孚嗾使馬  
濟要求蕭耀南將湘鄂兩省米捐充軍費吳將所部衛隊併入馬部擴充成師岳州  
百里內不駐他軍▲吳佩孚擬聯湘川滇黔大舉請鄂加入蕭耀南佯拒▲趙恒惕  
電京吳佩孚已抵岳州彼事前未知▲馬濟電告已勸吳佩孚勿活動否則率所部  
離岳州遠嫌▲段祺瑞電蕭耀南責漢口關監督疏忽放吳佩孚赴岳▲王揖唐三  
日晨抵京報告方本仁蕭耀南吳佩孚胡景翼閻錫山均願擁段△宋淵源派白蘋  
洲赴汕說陳炯明率部退閩勿抗聯軍自取滅亡▲孫岳六日通電稱劉鎮華離陝  
圖豫懲懲玉琨啓釁反抗中央命令破壞大局▲胡景翼與懲玉琨在陝州激戰京  
漢路七日不通車▲劉鎮華電段祺瑞請查明二月廿五日以前兩軍駐兵地點與  
目前比較如某方未退五十里嚴全國聲討並謂孫岳詰鎮華何故來豫查職部在

洛與孫部駐保定無異不必反唇相稽▲孫岳三日電段謂豫事解決已有端倪定五日雙方退兵慈軍退駐新安繩池胡軍退駐汜水雙方派員至鄆師議和又四日電告即日赴鄆監視劉◎退兵請景翼會議▲胡景翼四日電聲辯并未乘劉◎退兵時襲擊謂劉果遵令何以離陝侵豫請派員查誰先啓釁▲段祺瑞電鄂晉甘勿加入豫戰請張作霖馮玉祥武裝調停▲傳劉◎棄陝州劉駐京辦公處已撤銷吳新田派兵赴潼關阻劉◎回陝劉鎮華電段祺瑞謂孫岳逼彼部退出榮陽河陰旋被胡軍佔領▲孫岳部加入戰線將搖動全局執政府已電張作霖馮玉祥調停▲河南開封電 洛陽陷落之說尙未徵實胡景翼現在鞏縣軍械廠孫岳現駐鄭州孫部沿隴海路向西方進發來往洛陽鐵路電報交通斷絕▲二月十八日北京電孫中山今早九點半鐘逝世

(以◎代愍)

▲龍濟光于二十六晨逝世▲吳光新因病不能赴奉▲廿六日段祺瑞接見班禪禮節隆重▲二十六日善後會議以趙爾巽爲會長湯漪副之交通專門委員舉陸



夢熊爲委員長經濟專門委員舉王治昌爲委員長教育專門委員舉鄧萃英爲委員長財政專門委員舉盧學溥爲委員長▲溥儀改裝由日使館逃出天津初擬定廿七日乘營口丸經大連赴日旋以日政府待遇問題未能決定行期暫緩京政府認爲平民行動不加干涉惟不准有政治舉動▲加拉罕照會京政府謂奉天方面編俄白黨成軍違背協定條約請即遣散▲閣議段祺瑞主張聯滇唐擾昇西南邊防督辦或屯墾督辦職已有電徵求唐氏意見▲吳佩孚遣人勸曹現潛逃京政府因嚴行監視曹▲殺祺瑞發建國大計通電以發表實業爲本▲段祺瑞電召張宗昌盧小嘉晉京磋商對南軍事▲長興閩軍運回杭州嘉興駐防惟奉軍新兵仍繼續南下▲奉張在奉祝壽後始入關▲二十七日正午日使館發表日俄條約全文及十二條 本細則有疑義、議長不能解決時、由會議決、第五十三條 本細則之修正、非有會員總額五分一以上之連署、不得提出、第五十四條 本細則會議決日施行、

## 那華打省有古城發現

八日羅省電、那華打省總督士古律謙宣言、該省近又尋獲荒漠古城一處、該城在那華省烏陣河與泥浦交界、乃今代人跡未到之地、位處原高、離水漲最高之平面五十尺、長約一里、該城當繁盛時可容居一萬五千人、現已掘出圯屋四十間、人骸十一具、女屍占十數、男屍一具、酷肖往古之酋長、其外有古式之瓦器、類似二千年前之物、屋之牆壁、皆築以坭磚編以蘆葦、然後塗以砂灰、屋內地多鋪石、城中坭土、有當濕潤時爲草葉紋痕所印之型模在、女屍則有帶藍寶石彫刻成珠頸練者、其琢磨之工甚精、又有形式粗笨之瓶、滿盤瓜仁粟米等物、據士古律謙所稱、該城之發現、或可爲北美尋獲古跡之最大者、伊方與亞罽筭拿省總督垣氏會商、謀築公路、由該省著名之嘉蘭谷直通那華打省、以達現所尋獲之古城、以便游人覽古、是日此首程往與該古城相近之埠、再查勘云、

## 附錄門

### 孔教研究會會員題名錄（捐銀數目附）

伍于瀚港銀伍拾圓

鄧仲澤港銀伍拾圓

新廣合港銀叁拾圓

葉庭三港銀貳拾圓

三和興 黃蘭簪 甄渭清 李式學 李炳藻 陳月亭 岑醒初 陳宗活

裕盛隆 李煜堂 羅奇生 公和昌 雷蔭蓀 黃經璇 李煉明 裕棧

厚德號 李星衢 朱松軒 悅隆正記 趙玉衡 大德棧

以上諸君每人捐港銀拾圓餘俟續登

余文鐸拾捌員 阮秉鈞拾員 司徒潛堤學校拾壹員

胡氏儒良學校拾員 謝氏廣仁學校 古宅方氏崇義學校肆員捌毫

李景漢叁員 馬揖秋貳員伍毫 赤坎關氏光裕學校肆員六毫

盤鏡波

馮振名

劉孔同諸君各式員

黃宣策

黃廷潤各壹員

# 台山孔教研究會公益分會姓名

公益埠會員芳名如下

李乙楠	李乙蓮	李潤生	李仲蓮	伍周平	李朗星	伍澤民	李天才
雷道源	李星航	伍恂儒	劉若棠	李奕慰	伍光學	伍眉山	方亦嘯
方亦纘	方亦煊	吳存章	李奕懿	李世賢	伍偉學	李福	伍熬
李榜	伍于湛	伍洪榮	劉儒樵	雷廣維	雷家榮	許耀廷	區忠華
李亮南	雷法舜	張炳鑾	雷媛	鄺聘德	伍挺生	羅倫灼	鄺修迪
伍于炎	湯定俊	湯務然	羅好	陳安	李奕欽	李世燿	伍步雲
雷學銘	李奕蘭	李榮耀	葉遠振	李初樸	黃潤民	伍樂如	李崇
雷道鈿	李奕平	馮植賢	伍文堯	吳其偉	李梓材	雷煥學	伍學欽

林裘燥	廖光扳	廖顯燦	廖賀光	區秉章	何相	雷維阮	蔡昌
吳厚濃	司徒海	余同和	劉宇	李聰	李祐忻	李文	劉發
李世耀	李雁朝	李雁賓	李象容	譚象品	李奕泮	李奕湛	李偉華
李壬	伍時禮	伍尙資	林紹學	伍揚	李廣常	李初進	謝維舉
李和	林烈	林養德	吳文祝	蔡奇	雷維賢	劉漢維	吳超
曾毓和	黃錫賢	伍優	梁覺民	黃煥	陳明濠	張廣	康勤
雷煜	李頌勳	李樂	關崇撲	吳存慎	林舉仕	文英藹	張任燦
詩廣	李喜	李瑞祐	溫學禮	梁禮耀	徐成葉	徐國華	徐鳳儔
陳子琦	陳天護	陳毓森	雷宜灼	李宏	雷淡如	張文	趙勳
馮均濃	雷家泮	黃乾	劉兼三	伍燦堂	李祐林	吳厚泮	李天彬
駱松活	李榮基	陳金堂	林祺道	雷維爵	李軻發	陳隆	李篤初
伍玉成	李雨達	伍堯	劉耀東	李世橋	李世滙	黃世儉	李奕棟
李奕槐	張子光	雷扳學	伍學楨	謝沾聖	李棉祐	余和烈	鄭漢

梁廣恩	廖永彬	許章棟	伍烈壽	李世光	雷法度	李秩	李長
袁傳銳	梁樞祖	伍尙德	梁希仲	李長佐	梁宗獲	林舉光	馮均爵
梁奕煦	廖三	伍世湛	李悅祖	李新	鄺希修	許大璇	黃維
李明偉	雷良	麥梓	朱棧	許澤良	許文鏡	蔡鴻榮	蔡英杏
雷鏞學	許澤喜	余翊和	張培壽	司徒銓文		張子培	許心如
雷宜杏	羅宏令	吳鑰華	李炳滋	李華	李鈿祐	伍時均	伍暢
梁祖優	梁靜波	蔡炳	譚潤生	李炳坤	雷洽卿	李球祐	伍于挺
李芬	李雲義	李彩	雷學登	雷次乾	邱根	徐齊	伍勳昂
李保天	梁奕楠	雷家衍	李次乾	雷學添	伍文燕	伍時作	伍學本
梁耀廷	伍于煒	李玉堦	梁郁	吳羨漁	伍璧東	伍學疇	李子珊
陳庸	麥蝦	李來存	李天煥	李輝祐	余元	李耀祐	李永孚
陳乾生	徐勝	李沁祐	李奕瑾	徐昌煖	溫耀南	許庭光	李奕葉
何植	李慎初	李祐泮	梁恩	伍煦春	伍勳偉	徐炎	

以上公名與會員名費已示總數一覽前報三姓名太多容下期續刊